

地理問正

地理問正

翔大圖書公司

地理問正 卷下

立向

〔問〕立向之法何如？

〔答〕立向在於天運，天運者，是接氣之法，立向之用也，凡陰來陽受之穴，尖出口圓，陽來陰受之穴，圓出口尖，二者皆宜葬口，不論來脈橫斜曲直，須看定尖圓，將繩證之，以枕圓對尖，以枕尖對圓，枕對既準，再看兩邊砂水，那邊先到，將下面之繩頭，加過先到邊一二分，此謂巒頭中之迎財接祿，亦迎生之意，故曰：「識得迎財接祿，百葬百發也。」上面之繩頭，故不可移動，枕定至尖至圓之所，其水從兩邊分去，看

地理問正

卷下

翔大圖書公司

來脈緩急，得二五沖和之氣者，此自然之坐向也。再以楊公十道天心之正理起卦，挨星之正法，或順或逆，一一挨去，合得玄空大卦者，爲得時得運之吉地。如有不合，則待時而用之，總要星體卦爻，內外相得，而成一理者，方爲合法。倘明堂不正，砂水偏勝，用向自當有別，或青龍順逼，而高壓白虎，雖逆而低伏，此爲虎生龍死，法宜讓過青龍，迎著白虎，細看山朝水聚，應落頂對，而坐向之，則砂可用，而水可收矣。或龍生虎死，其迎讓之法，與前相同，倘大勢上緊下寬，向宜順下，上寬下緊，向宜逆上，或本身卑微，而當面朝水過大，或主山低小，而面前客山太尊，宜舍尊大而用卑小，若遠而不壓者，則不拘也。

又有回龍顧祖，祖山高大者，亦不拘也。或群峰雜出，一峰特朝，宜用其特，而舍其雜。或眾山斜向，一山正拱，宜棄其斜，而從其正。或眾山側向，一水特朝，宜向其水，而棄其山。或峰勢成兩列，則宜朝空，不宜朝峰。此天地自然之理也，總須坐向相得，各無所忌，合得玄空大卦，與挨星之法，符則用之，不符合之，倘符而不符者，以移塚移塋就之，知此則立向無餘蘊矣。

〔問〕何以古人有寧與人家扞十墳，不與立一向之語？

〔答〕此蓋有感而發也，天星立向，挨法至紛，此是彼非，難以悉合，殊不知其中有至理存焉，立向不爲難，難在世人之毫無定見，徒多議論者耳。

作用

〔問〕曾見師葬某地，下砌七級拜臺何也？

〔答〕此即作用也，裁成輔相之功，亦有訣存焉，所謂淺深之法也，其法高山宜量氣脈，平地宜量界水，量氣脈者，則按氣脈之中，量界水者，則架界水之上，此一定不易者也。如陰落宜量脈線，脈線多少，大氣亦多少厚，將繩橫牽，對半摺之，量有幾尺幾寸，則穴內之淺深亦如之。如漫陰開口，在窩鉗鑿結稜弦，凝顧之處，將繩橫牽，對半摺之，量有幾尺幾寸，則穴內之淺深亦如之。若穴結陽面，則有微起泡墩可驗，照此推算，得氣脈之中矣。如平地田龍，以穴前第一合

水爲主，先在合處立一標準，以繩牽至穴內，將繩頭拖出，搭著標準，以尺從交搭處量下，看是幾尺幾寸，金井底比界水合處宜高七八寸爲要，或脈起伏，亦宜高四五寸。若開鉗口結穴，以第二合水量之，其法同前。如平田之穴，高低無幾，宜培土以葬之，是架界水之上也。如穴外作用，則截長，補短，增高，益斷，蓄池，堆唇，作壩，兜金，皆是也，只要認得真龍止處，砂不足則補之，砂有餘則削之，砂劫太重則斷之，明堂傾洩則鑿池以蓄之，或作壩以圍之，穴前低促則堆唇以培之，穴後高而前傾則作兜金以托之，穴前陡洩則作拜臺以補之，或左青龍砂反走則接青龍嘴轉來，其去者任其爲曜，只要外山包裹得住，則吉

矣。或右白虎砂反走，作用與左青龍砂同，若來水一邊，其砂不必接回，因裡面多有順砂奔來，未免天門擁塞，故以此手撥開，正現其有力也，倘山山走進裡面，必他穴之纏龍，或左虛則栽樹木蔽之，右虛亦栽樹木塞之，倘石帶刺則鑿而去之，倘低小則加土封之，故曰：「龍真穴的，不妨水走砂飛。」然又不可泥滯。如龍虎之肩椿不反，而下面反走，可以接回。若龍虎肩椿一反，則斷即非真結矣。其砂有真面假面，真背假背，真面者，肩椿亦面一齊順來也，假面者，肩椿反去，而面順來也，真背者，肩椿一齊反去也，假背者，肩椿順來，而面反去也，譬如開過之花，其瓣背反向內，面反向外，若論護者爲面，翻者爲背，

則未有不認面爲背，認背爲面者也，雖花瓣如此，然花蒂終護花心，其砂之肩椿一一回護，故下面之砂，不妨走去，亦可接回，凡竄砂明曜，俱於此分辨。書曰：「水走砂飛令人嫌，砂不離鄉官不顯。」一知此竅訣，乃可讀此書也。

〔問〕先生一向講論砂水，而今不言者何也？

〔答〕俗學乃教人在風雲中尋龍虎也，凡得真傳者，先捉定真龍真虎，則風雲在其中矣。

〔問〕有好龍穴必有好砂水，何有砂飛水走之結乎？

〔答〕天下之理，有正必有變，全賴此變，留得吉地到今，其肩椿順來，外砂包裹得住，或小逆大順，或內傾外聚者，皆變中之正也。

陽宅

〔問〕陽宅又如何看？

〔答〕陰陽無二理，惟氣局舒斂不同，氣舒局大，砂水盤旋，真龍泊焉，秀氣鍾焉，然漫無縫簷葬口可指，只卜旺處而宅之，其立向坐山，用砂收水，與陰地之法同，只要得時得運，配合天地，其氣自然沖和，人財自能旺相矣。

〔問〕其訣如是，何諸書所載不一，是先賢之秘耶？

〔答〕非也，戒之非人而已，故曰：「傳書不傳圖，傳圖不傳訣。」漫言于拘是，非入楊曾廖賴之室，而有卓識卓見者，未易以語此，昔無著大士隱跡明州（大士即白鶴也）

（明州即寧波）其手扞名墓，皆世家巨族，班班可考，迨圖

寂時，藏真於寧波之柳亭菴（在寧波南門外六里）表於石，曰

前延慶堂上目法師之寶塔（原名壽講改名真講又改昌講）嘉慶丙

辰掃塔，其書始，惟超然先生心法相承，而溪亦得授

，知生生不息之道，萬化流行之理，又示以龍脈在一

止字，溪恍然於青囊之配合，其生生妙處，即五歌所

謂：「自上而下，山之止，自外入內，水之止也。」

蓋尋者尋其止耳，即此一語，可括地理之秘宜乎，溫

公之欲焚盡諸書也，人子爲父母卜兆，籍手於地師，

其任至大，其責至重，可輕心以掉乎？歷觀古賢，無

不殫精竭慮，探幽闡微，神而明之，于是其人傳其書

，傳而其所扞之地亦傳焉，近代名家，惟中陽子深知

此義，著辨正一書，復撰辨僞文一卷，其自序曰：「我得無極子之傳于遊方之外。」即指幕講也（姓王名慎，福建浦城人），今書普行中外（日本國以蔣中陽之地理為中國聖人），

不解者以為僞造，挾其平日三合雙山，黃泉八煞，小玄空，板三元之說，惑世誣民，不啻日殺不辜而不覺也，更有混充三元亦曰蔣法者，約略記之，其失有十

(1) 以山龍法混論水龍，仍以高低起伏渡水穿田，認水龍者一失也。

(2) 以田塍大路環遶，誤認為吐唇立穴者二失也。

(3) 以田源水至堂，誤認為真水止氣者三失也。

(4) 以高阜土墩認為平陽一突，或打倚穴或跨阜立穴，

掩蔽陽光以至敗絕者四失也。

(5) 貪葬倚水穴，以水中浮塗認為中黃局全，不顧水渙水反者五失也。

(6) 不知真巖，坐水向水葬者六失也。

(7) 力小而圖大，忽近而圖遠者七失也。

(8) 棄生就死，不知山情水意者八失也。

(9) 不知原濕者九失也。

(10) 不知作法之淺深者十失也。

以上形巒之失也，至於理氣，亦有十失：

(1) 或用三元大卦，并以九宮對待，凡在一元見正神即葬，而不知挨星者，一失也。（如三元用坎離，中元用乾巽，下

元用震坤之類。）

(2)或用三元大卦，而以倒倒顛用事者，二失也。(如上元

葬兌龍，下元葬震龍，而不知零神正神之類。)

(3)或用三元大卦，而以後天爲體，先天爲用者，三失也。(如下元必葬巽龍之類。)

(4)或用三元大卦，而不知城門一訣，以至立穴無憑者，四失也。(如誤認三叉河爲城門之類。)

(5)或用二十四山分三卦，順子一局，逆子一局，板法用午一字丁一字者，五失也。(以上作門外漢論。)

(6)或識得三元真大卦，而於真挨星辨之不清者，六失也。(挨星是挨當時及令而用也。)

(7)或識得真挨星，而于真大卦之不精者，七失也。(大卦是生旺衰死之妙訣也。)

(8)或識得真大卦真挨星，而不知返吟伏吟者，八失也

。(返吟伏吟是當時即旺，失時即敗。)

(9)或識得返吟伏吟，而不知生中藏煞，煞裡藏生者，九失也。(如下元葬震龍反巽，葬兌龍反艮之類。)

(10)或不知推五運定六氣，謹歲時運天星者，十失也。

按地理之書，始於黃石，盛於楊公，延於幕講，繼斯道而能發明者，莫如辨正一書，其言曰：「僕之得傳有訣無書。」又曰：「事實心傳，未可言罄。」此古人並非鼓惑後學，昔無著大士之改名目講正此意也，總之辨書之真偽「理」字，辨龍之真偽「止」字，識理氣之正宗「易」字，能於此三字，細玩而精求之，即謂爲無極子之傳可耳。

註：本書配合《蔣氏家傳歸厚錄合編》、《漢鏡齋堪輿小識》

一齊看更佳。

地理約言

龍

龍法難言，蓋、帳、台、屏四字先，無問枝與幹，俱要成剝換，過峽要遮欄，護從莫孤單，正、側、逆、順、回，五勢須詳辨，个字成形玄又玄，從茲入首得真傳。

穴

穴法難言，只在陰陽動靜間，股翼分明暗，兩片三叉辨，定穴枕尖圓，十字莫教偏，正奇隱怪拙，都在圈中見，一點靈光合自然，造化生生氣象完。

砂

砂法難言，只要遮欄四水全，拱向情留戀，毋使相凌僭，龍虎與前山，聚會一堂見，合觀成妙精神健，務令無風穴不寒，水火抽添鍊汞鉛。

.158.

水

水法難言，要看雌雄相會連，內氣從何辨，水上分明見，來去要之玄，橫過角頭彎，澄凝清靜非貧賤，水口重關氣聚焉，得水何難富貴全。

地理約矩

龍

〔龍法天星〕八卦九宮要辨明，子癸連午丁，卯乙同酉辛，地曜與天星，富貴此中尋，衰死氣脈休相近，離坎交時細辨清，何必拘泥淨陽陰。

穴

〔穴法天星〕只要龍神與向親，八卦九宮定，三吉聯珠尋首尾，陰陽切莫犯孤星，貫耳腰胎繩牽定，扶放挨加妙入神，頃刻能回萬象春。

.159.

砂

〔砂法天星〕但把龍神論五行，形與位相稱，位與龍相應，生旺最要真，三陽六秀親，五行合吉真龍性，道在其中細討論，透徹能參天地心。

水

〔水法天星〕須向龍神局內尋，局變無窮盡，三吉聯珠定，來去要知根，鬼沒與神存，天根月窟雌雄分，消息神功一掌輪，不負當年師授恩。

金嶺 曹山陰 輯

民國 李崇仰 重編

地理問正